

# Txirritola

ARAMAIO / Eguena / 2005eko irailaren 8a / 162. zenbakia

KOORDINATZAILEA: Ubane Madera • Otolara Lizentziaduna 31 20500 ARRASATE • Tel.: 943 71 25 11 • Faxa: 943 71 23 89 • Posta elektronikoa: txirritola@goiena.com • Lege gordailua: SS.1084/02

## Osasuna eta parke naturalak berbagai, Aste Kulturalean

U.M.

Datorren astean ospatuko dute Alaiak Erretiratu eta Pentsiodunen Elkarteak urtero antolatzen duen Aste Kulturala. Martitzenean hasi eta eguenera arteko ekitaldiak izango dira. Tartean, martitzenean, ariketa fisikoaren gaineko hitzaldia antolatu dute, herritar guztiendako.

Jose Antonio Apraiz medikua ekarriko dute Aramaiora, martitzeneko hitzaldirako. Kirol arloan

urte luzez jardun izan du lanean Apraizek, Gasteizen. Eta kirolak eta osasunak duten harremanaren garrantzia kontuan hartuta eta Udaletik dirulaguntza handiagoa izan dutela aprobetxatuta, Alaiak elkarteok ahalegin berezia egin dute Apraiz medikua Aramaiora ekartzeko. *Ariketa fisikoa eta gorputz osasuna* gaia landuko du Apraizek. Eta Alaiak elkarteak interesa duten herritar guztiak gonbidatu ditu hitzaldira. Esandako moduan, martitzenean izango da, 17:00etan, kultura etxean.

Hurrengo egunean, berriz, beste hitzaldi bat izango da. Kasu horretan, *Arabako parke naturalak da* haren izenburua. Besteak beste, Urkiolako eta Gorbeako parke naturalen gainean berba egingo du Diputazioko kide Patxi Sanchezek. Berbaldi hori ere 17:00etan izango da, kultura etxean.

### BATZAR OROKORRA

Eta Aste Kulturalekin amaitzeko, egunean, hilak 15, batzar nagusia egingo dute Alaiak elkarteok. 16:30ean da lehen deia; 17:00etan, bigarrena. Besteak beste, honako gaiak landuko dituzte: diruzaintzaren txostena, urteko txostena, kuotaren eguneratzea, 2005-2006 ikasturterako egitasmoak eta batzarraren berritzea.

Batzarraren ostean, luntxa izango dute, 18:00ak inguruan.

### ERRETIRATUEN EGUNA ETA TXANGOA

Horrez guztiaz gainera, irailaren 23rako Iruñara txangoa antolatu dutela ere jakinarazi digu erretiratu eta pentsiodunen elkarteak. Besteak beste, Oteiza museo ikustera joango dira. Horrez gainera, txikiteoa eta bazkaria ere izango dituzte. Txangora joan nahi duenak irailaren 16a baino lehen 25 euro sartu beharko ditu Euskadiko Kutxan.



Argazkian, Alaiak elkarteko zenbait kide, erretiratuen egoitzan.

U.M.

## Domekan: Andra Mari Ibabe kofradiaren eguna

U.M.

Andra Mari Ibabe kofradiako bazkideek izen bereko ermitan dute hitzordua etzidamu. Eguerdian hasiko dira kofradiaren eguna ospatzen, salda eta mezarekin. Eta batzar nagusia ere egingo dute, besteak beste. Parkean konpondu beharrean dagoen paretaren gainean berba egingo dute tartean.

Lehenengo, salda beroa banatuko diete kofradiako kideei; 12:00ak inguruan izango da hori. Horren ostean, meza esango du Emilio parrokoak, 13:00etan. Eta

ohi duten moduan, meza ostean urteroko batzar nagusia egingo dute kideek. Honako gai zerrenda dute aurreikusita: joan den ikasturtean egindakoaren berri eman; aurtengo ikasturterako dituzten asmoen berri eman (besteak beste, parkeko paretaren bat konpondu beharrean dago) eta kofradiara etorri diren bazkide berrien zein hil diren bazkideen berri eman.

Hori egin ostean, ermitaren goiko aldean dagoen aretoan bazkaria egingo dute bazkideek. 14:30ak inguruan izango da hori eta dagoeneko 75 lagunek eman dute izena.

## Testuliburuak erosteko laguntzak eskatzeko epea zabaldu dute

U.M.

Astelehenean zabaldu zuten dirulaguntzak eskatzeko epea. Urriaren 14ra arte dago eskariak egiteko astia. Gasteizen, Laudion eta Guardian (Biasteri) egin daitezke eskaerak, astelehenetik barikura, 08:15etik 14:30era arte.

Haur Hezkuntzako bigarren zikloan, Lehen Hezkuntzan eta Derrigorrezko Bigarren Hezkuntzan nahitaez erabili beharreko liburuak erosteko laguntzak ematen ditu Diputazioak. Bi baldintza bete

behar dira haiek eskatzeko: eskaerazalea (ikaslea) matrikulatuta egotea lehen esandako mailaren baten eta Araban erroldatuta izatea.

Eskaerak bi lekutan egin daitezke: Ogasun, Finantza eta Aurre-

kontu Sailak Gasteizko Samaniego kaleko 14 zenbakian duen bulegoan edo sailak Laudion eta Guardian (Biasteri) dituen bulegoetan.

### LAGUNTZEN ZENBATEKOA

Laguntzak onartuz gero, Haur Hezkuntzako bigarren zikloko mailatarako, gehienez, 44,12 euro emango ditu Diputazioak; Lehen Hezkuntzako zikloko mailatarako, 71,82 euro eta Derrigorrezko Bigarren Hezkuntzako mailatarako, berriz, 110, 81 euro.

Informazio gehiagorako: 945 18 16 02 telefonora deitu edo [librosdetexto@alava.net](mailto:detexto@alava.net)-en begiratu.



Biltegiak ez ditu kalte handiegirik erakusten; baina sortu zen arriskua handia izan zen.

## Gureiako baserri baten biltegia erre egin da

U.M.

Ibarguren baserriaren ondoko biltegia erre egin zen astelehenean. Suhiltzaileen laguntzarekin lortu zuten sua emendatzea. Baserriak eta bizilagunek ez zuten kalterik izan.

Astelehen iluntzean piztu zen sua Gureiako Ibarguren baserrian. Etxeko ugazaba belar zaharrak erretzen zebilela, baserriaren ondoan duen biltegiaren teila-

tuak su hartu zion. Suari eusten ahalegindu zen gizona, baina ezin zuela ikusita, suhiltzaileei deitu zion. Haiei bidea aurkitzea kostatu egin zitzaion eta ordubete edo gehiago tardatu zuten. Zorionez, baserriarrak garrei eustea lortu zuten Gasteizko suhiltzaileak iritsi arte. "Senarrarengatik ez bazen, baserri osoak hartuko zuen sua, hala esan ziguten suhiltzaileek". Azkenean, zorionez, Ibarguren baserriak eta hango bizilagunek ez zuten bestelako kalterik izan.

*Urriaren 14ra arte  
eska daitezke  
laguntzak,  
Gasteizen, Laudion  
edo Biasterin*

**TELEFONO JAKINGARRIAK**

**OSASUNA / LARRIALDIAK**

|                           |              |
|---------------------------|--------------|
| Osasun etxea (txandak)    | 945 44 53 40 |
| Botika                    | 945 44 50 03 |
| Udaletxea                 | 945 44 50 16 |
| Ertzaintza (Arrasate)     | 943 79 71 99 |
| Gurutze Gorria (Legutio)  | 945 45 52 52 |
| San Martin Eskola         | 945 44 50 04 |
| Taxia eta autobusak       | 945 44 50 33 |
| Udal Kirolegia            | 945 44 53 35 |
| Postetxea                 | 945 44 50 83 |
| Zuako Eskualdea           | 945 43 01 67 |
| Suhiltzaileak (Zubillaga) | 943 78 28 00 |

**AUTOBUSORDUTEGIA**

| ARRASATE | ARAMAIO | GASTEIZ |
|----------|---------|---------|
| 07:00    | 07:15   | 08:00   |
| 10:00*   | 10:15   |         |
| 11:00    | 11:15   |         |
| 12:00*   | 12:15*  | 13:00   |
| 15:15    | 15:30   | 16:15   |
| 17:20    | 17:35   |         |
| 18:30*   | 18:45   |         |
| 20:30    | 20:45   | 21:25   |
| 21:00*   | 21:15   |         |

| GASTEIZ | ARAMAIO | ARRASATE |
|---------|---------|----------|
|         | 07:50   | 08:05    |
| 08:15   | 09:00   | 09:15    |
|         | 10:15*  | 10:30    |
|         | 11:15   | 11:30    |
| 13:10   | 13:55   | 14:10    |
| 16:20   | 17:05   | 17:20    |
|         | 17:35   | 17:50    |
|         | 18:45*  | 19:00    |
| 19:30   | 20:00   | 20:15    |

**OHARRA:** izartxoan duten orduetan eskaeraren arabera zerbitzua eskaintzen dute. Auzoetako bizilagunei zuzendutako da, eta autobusa erabili gura badute, bezperan delitu behar dute honako zenbaki honetara: 629 54 59 23

**OHARRAK**

**MACREA UMORISTAREN SAIOA**  
Bihar, barikua, izango da, 22:30ean, kultura etxean. *Bake eta umorezko autobusa* du izena. Ikuskizun ikusgarria izango dela iragartzen dute; ikusleek parte hartzeko zein iritzia emateko aukera izango dute.

**ZINEMA, AIRE LIBREAN**  
Vital Kutzak antolatutako *Musika, Dantza, zine VITAL Araban zehar* egitaismoaren barruan, zinema saioa izango da bihar, 21:00etan, plazan. *Sahara* emango dute. Abenturazko filma da, 127 minutu irauten du eta Breck Eisnerrek zuzendu du. Matthew McConaughey, Steve Zahn eta Penelope Cruz azaltzen dira, besteak beste.

**ERRETIRATUAK TELEBISTAN**  
Joan den astean izan ziren zenbait erretiratu *Date el Bote* saioa grabatzen. Hiru programa grabatu zituzten eta datorren astelehen, martitzen eta eguaztenean emitituko dituzte. Horrez gainera, jakinarazi digute azaroan berriro joateko asmoa dutela. Auzoz auzo joateko asmoa dute, saiora joateko asmoa dute, saiora joateko asmoa dute, saiora joateko asmoa dute.

# Zenbait zuhaitz errotik atera eta erre egin beharko dituzte

U.M.

**Ez ziren oso pozik atera su-gorriarenatik kaltetuta dauden auzotarrak asteleheneko batzarretik. Besteak beste, jakinarazi zieten zenbait arbola erre egin beharko dituztela eta trukean dirulaguntza emango dietela. Baina kopuru txikia iruditu zitzaizkien baserritarrei.**

Diputazioko eta Jaurlaritzako ordezkariak Aramaion izan dira birritan, su-gorriaren gaineko azalpenak ematen. Astelehenean, Azkoagatik kilometro baten bueltan dauden auzotarrek izan ziren. Martitzenean, berriz, entzutera joan ziren bestelako herritarrek.

Su-gorriaren sintomen eta ondorioen gainean jardun zuten lehenengo. Besteak beste, jakinarazi zuten lehen aldia dela Arabako fruitu-arboletan gaixotasun hori atzematen dutela; baita ere jakinarazi zuten, su-gorria ez dela osatzen, beraz, gaixotasunari aurre egiteko modu bakarra, prebentzioa dela. Eta bestelakoen artean, Gipuzkoan oso hedatuta dagoen gaixotasuna dela ere esan zuten Diputazioko ordezkariak.

Ondoren, gaixotasunari aurre egiteko hartu beharko dituzten neurrien gainean berba egin zuten.

**KALTE-ORDAIN TXIKIA**

Hain justu ere, neurri horretariko batzuek piztu zuten kezka baserritarren artean, batzuk gehiegizkoak direlakoan eta beste batzuk motz geratzen direlakoan.

Diputazioko ordezkariak jakinarazi zuten hilabete honetan ingurua ikuskatzen hasiko direla eta ikusten badute zuhaitzen batek itxura eskasa duela analisiak egingo diotela; eta egoera oso eskasa bada, zuhaitz hori errotik atera eta erre egin beharko dutela. Trukean, zuhaitz



Azkoagatik kilometro batera dauden auzotarrak, asteleheneko batzarrean.

U.M.

*Gipuzkoan, esaterako, oso hedatuta dagoen gaixotasuna da su-gorria*

bakoitzeko 16,22 euroko kalte-ordaina emango diete.


Horren aurrean, zenbait baserritarrek kexua azaldu zuten, euren ustez, kalte-ordaina murriztegia delako.

**ERLAUNTZAK KENDU BEHAR**

Diputaziokoak, baita ere, jakinarazi zuten, bestelakoen artean, erlek su-gorria hedatzen asko lagun-

*Aldiz, lehenengo aldia da Arabako fruitu-arboletan su-gorria azaltzen dela*

tzen dutenez, Azkoagatik bost kilometrora dauden erlauntzak kendu beharko dituztela. Kasu horretan ere, zenbait kexatu egin ziren; izan ere, neurri hori bakarrik Araban hartuko dute. Beraz, esaterako, Arrasateko erlauntzengan, nahiz eta Aramaiotik bost kilometro baino gertuago izan, ez du inolako eraginik izango; entzuleen ustez, horrek ez du zentzurik.



**Gustura ibili dira Albina inguruan, Marixeka egunean**

Gurè irakurle fin batek Marixeka eguneko honako argazki hau utzi digu, zeuei erakusteko. Egun bereko kontutxo batzuk ere esan dizkigu; esaterako, eguerdiko mezan, Eusebio Bengoa, Ramon Kortabarria eta Felipe Kortabarria gogoan izan zituztela. Kontatu digu, baita ere, bazkarian 35 lagun izan zirela, ondo asko bazkaldu zutela, eta arratsaldean animazio handia izan zela, Gorriti eta bere animaliekin eta Gardoki aita-ala-bekin. //IRATXE BENGOA.

**LABUR**

**Eguzkierripakoek jaiak dituzte, domekara arte**

Eguzkierripako auzotarrek, besteak beste, auzoko jaiak aprobetxatuko dituzte elkar ikusi, elkarren berri izan eta auzoaren gainekoak komentatzeko. Bihar iluntzean (barikua) hasiko dira ospakizunekin; jaien egitarauaren barruan, afaria egingo dute eta auzotarrek. Zapatuan, berriz, bi hitzordu dituzte: batetik, 12:00etan herri meza izango da. Bestetik, gauean, Jose Gardokik eta haren familiak giro-tutako erromeria izango dute, 23:00etan hasita.

Bukatzeke, domekan, eta Andra Mari Ibabe kofradiaren eguna dela aprobetxatuta, dei egiten dute 13:00etan Andra Mari ermitan Emilio parrokoak esango duen mezara joateko.

Berez, esandako guztia Eguzkierripako jaien barruan izan arren, auzotarrek jaietara joan nahi duten guztiak gonbidatu gura dituzte parte hartzera.

**Egitarau mardula antolatu dute Legutianoko jaietan**

Bihar, barikua, hasiko dira Legutianoko jaiak, eta astelehenera arte iraungo dute. Tartean, denetarik izango da. Esaterako, bihar, 20:30ean, koblakariak ibiliko dira kalean eta 00:00etan, O Funk'Illo taldeak kontzertua egingo du. Horren ostean, 01:30ean, Legutianoko DJek jardungo dute musika jartzen.

Zapatuan, berriz, bestelakoen artean, 17:30ean, Panta Rhei taldeak umendako *Txarribari* antzezlan egingo du. Eta gauerako, musika ekitaldiak dituzte antolatuta, goizaldera arte: 23:30ean, Afro Sound Sistem-eko *Batucada* rekin animazioa; 00:00etatik 03:00etara, Gazte Gunean *Testing Programa* egingo dute (drogen testa eta informazioa); 01:00etan Urgabe eta Los Moñas taldeen kontzertua hasiko da eta 04:30etik 07:30ak arte, diskoteka izango da.

Eta asteburuari agur esateko, domekan, 12:30ean, artisauak izango dira plazan; 13:30ean, jazz kontzertua izango da eta arratsaldean, berriz, mozorroekin lotutako ekitaldiak egingo dituzte: 17:00etan, umeendako mozorro tailerra, 20:00etan, mozorroen kalejira eta 21:30ean, mozorroen afaria, plazan. Ordu berean, egunean zehar egindako txahalaren pintxoak plazan ipiniko dituzte salgai.

Legutianarrek euren jaietara joateko gonbita egin gura die aramaioarrei.